

UORDEN

**DA ZONAS DA QUIETEZZA
PER LA SULVASCHINA
PEL
CUMÜN DA VALSOT**



(ediziun 2013)
(Revisiun parziala 2023)

Relaschè da la radunanza cumünala dals 10.09.2013 in basa a l'art. 27 da la ledscha chantunala da chatscha.

Scopo

Art. 1

Las zonas da quietezza servan a la protecziun da fauna e flora. Impustüt nu dess gnir disturbada la sulvaschina, eir per evitar dons indirects vi da la vegetaziun.

Zonas da quietezza
per la sulvaschinaArt. 2

Las zonas da quietezza per la sulvaschina cumpiglian ils lös designats in la charta 1:25'000 sül territori dal cumün da Valsot. Ellas vegnan eir publicadas sün la pagina d'internet www.wildruhezone.gr.ch.

Limitaziun d'access

Art. 3

Dürant il temp dals 20 december fin als 20 avrigl as das-cha entrar in las zonas da quietezza per la sulvaschina be sün las sendas e vias marcadadas officialmaing. Impustüt nu pon gnir bandunadas las sendas e vias per tscherchar cornas, per far tuottas sorts da sport (turas, skis, gianellas, eui.) e neir per filmar o fotografar. Sün proposta dals organs da surveglianza da chatscha ha la suprastanza cumünala la pussibilità da scurznir o prolungar il temp.

Excepziuns

Art. 4

¹ L'access per l'utilisaziun e la cultivaziun dal god, per la chüra da sulvaschina sco eir per masüras urgiantas e da salvamaint resta garanti.

² La suprastanza cumünala po far ulteriuras excepziuns in singuls cas, scha l'intent dal uorden resta tuottüna garanti.

Controlla

Art. 5

Persunas chi's rechattan tanter ils 20 da december e'ls 20 d'avrigl illas zonas serradas, sun sforzadas da s'identifichar e da dar cuntschaint lur persunalias in cas da controllas tras l'administraziun forestala ed il guardgia sulvaschina. La suprastanza es inavant legitimada d'incumbenzer ad ulteriuras persunas cun quella lezcha.

Surpassamaints

Art. 6

Cun vigur legala a partir dals 1. da schner 2020 es gnüda extaisa la ledscha federala per chastits disciplinars. Da nouv cumpiglia quella ledscha eir la pussibilità da chastiar in cas da surpassamaints quai chi riguarda las ledschas da chatscha (federal/chantunal). L'otezza dal chasti definida à frs. 150.00.

Entrada in vigur

Art. 7

Quist uorden aintra in vigur davo l'approvaziun da la radunanza cumünala dals 14.06.2023.

Ramosch, 15.06.2023

il capo:

Victor Peer

Pel cumün da Valsot



l'actuar:

Gian C. Oswald